


Ministra konsilantaro pritraktas gravajn temojn de la ekonomio

Image not found or type unknown



Havano, jul 1 (RHK) En la mezo de kompleksa scenaro, en kiu la atingo de makroekonomia stabileco en Kubo estas esenca, la plej lastatempa kunveno de la Konsilio de Ministroj enmetis en sian tagordon la taksadon de multoblaj aferoj, kiuj rekte efikas, en la atingo de tiu celo.

Aludante ilin, la Unua Sekretario de la Centra Komitato de la Komunista Partio kaj Prezidento de la Respubliko, Miguel Díaz-Canel Bermúdez, priskribis ilin kiel "tre gravajn", konsiderante ilian esprimon ne nur en la makroekonomio, sed ankaŭ en nia socio.

Tiusence, li aludis, inter aliaj temoj, al la maniero kiel ekonomiaj kompleksaĵoj, kiujn trapasas la nacio, efikas, ekzemple, sur la malfruoj, kiuj okazis en la lastaj monatoj en la livero de la reguligita familia korbo; malstabileco en la Nacia Elektra Sistemo; la neadekvata rilato, kiu foje stariĝas inter la ŝtataj kaj neŝtataj sektoroj, same kiel la troa plialtiĝo de la prezoj, kiu ne ĝiam rilatas al oferto kaj postulo, kaj estas tute spekulativa afero.

Laŭ siaj vortoj dum la renkontiĝo, kiun gvidis la membro de la Politika Buroo kaj ĉefministro, Manuel Marrero Cruz, la ŝtatestro insistis pri la neceso serĉi respondojn al ĉi tiuj kaj aliaj problemoj, multaj el ili rekte rilataj al burokratio kaj la malefika kontrolo, kiun ni faras de nia institucia sistemo, kiu limigas kreivan laboron kaj nutras nedeziratajn misprezentojn en nia socio.

EKONOMIA PLANO KAJ ŜTATA BUDĜETO

Alia afero de esenca graveco por antaŭenigi la necesan makroekonomian ekvilibron de la lando estas proksime ligita al la dezajno de la Ekonomia Plano kaj la ŝtata Budĝeto por 2025, por kies preparprocezo la Konsilio de Ministroj aprobis la Globan Modelon kaj la Direktivojn de Registaro, kio, male ol antaŭaj jaroj, havis inter siaj premisoj, preni kiel referencon takson por la fino de la jaro 2024, kaj ne la aprobitajn

Ĝustatan Planon kaj Buĝeton.

Konsiderante ke la rimedoj postulataj en la ekonomio superas tiujn generitajn, la ĝeneralaj celoj estis fiksitaj: pliigi la nacian produktadon; efektiviigi strategiojn kaj administri la kreskon de eksporta enspezo, akceli eksterlandajn rektajn investfluojn en la ekonomio, pliigi la kolekton de monsendaĵoj kaj identigi aliajn necesajn fontojn de financado; plej granda ebla reteno de ĉiuj aktualaj elspezoj; prokrasti kaj eĉ paralizi investojn, kiuj ne estas esencaj en ĉi tiu etapo; akceli impostajn enspezojn; limigi nunajn kaj kapitalajn elspezojn de la buĝetita sektoro al la maksimumo ebla, kaj ankaŭ redukti resursajn translokojn al la komerca sektoro.

Interveninte pri ĉi tiu punkto, la ĝenerala sekretario de la Kuba Laborista Sindikato, Ulises Guilarte de Nacimiento, atentigis la gravecon doni al la laboristaj grupoj la plej ampleksan partoprenon en la formado de ekonomiaj planoj kaj buĝetoj. Ĉi tio permesos, li deklaris, "ĉiam pli proksimigi aŭtonomecon al la loko, kie la ekonomia fakto estas generita". La ĝefministro emfazis, ke, meze de la militekonomia scenaro, en kiu la lando funkcias, "ĉi tie ni bezonas plej multe plani kaj tiam ni plej bezonas kontroli."

<https://www.radiohc.cu/eo/noticias/nacionales/358846-ministra-konsilantaro-pritraktas-gravajn-temojn-de-la-ekonomio>



Radio Habana Cuba